

悔

翁

詩

鈔

悔翁先生小像
光緒癸未莫春
句宮後學尚北山敬撫



無才干祿無策匡時量已
守分虛靜是期雲歸巖
宗鶴去音隨咄此空何敢
燭耀為光緒十年九月悔翁
自贊

上園空孫錯鳴書



梅翁詩鈔目錄

卷一

四五言詩六十八首

卷二

五古四十一首

卷三

五古六十二首

卷四

五古三十四首

卷五

五古三十首

言目金
卷六

七古四十七首

卷七

七古四十三首

卷八

七古二十六首

卷九

五律九十首

卷十

七律七十一首

卷十一

七律五十六首

卷十二

七律六十九首

卷十三

七律七十三首

卷十四

七絕九十首

卷十五

七絕八十首

補遺

古今體詩一百四首

先生天性簡夷雅耆典籍貧賤患難弗渝素懷一切塵緣皆糠粃已曾文正公以謂芳絜欲師陶靖節湛冥略近蜀君平蓋紀實也文字語言非所措意掇拾所見聊志鱗爪云爾光緒甲申受業合肥張士珩謹識

梅翁詩鈔一

江甯汪士鐸

庚戌十二月十九日祭蘇文忠公於黃樓作一百

韻

芒芒禹跡畫此徐州東控淮海上應降婁惟公誕月值
斗牽牛分符作牧弗競弗絀孺忻抃吏士歌謳文章
風節炤曜千秋侍從館閣匡贊皇繇赤舌燒城炎荒是
投賜環毗陵箕尾光流後七百年仰止山邱河魚大出
芳鬯新筓合賢賓從爲壽黃樓式誦前烈以侑觥籌昔
公下車偕弟子由床聯風雨詩和琳璆温温駕部河圖
天球暨迨叔黨卽席衣摳祈晴高廟植柳芳洲呂梁百

步嘯侶命儔堯文教授繭足何求清臣秉臬欲化鶴鷄
長道魯寶遺文校讐山人放鶴笑傲公侯豸爲繡服羊
本束修大文磨琢天倪夷猶少游赴試潤色洪猷詩才
開婉道力清道明同秦鑑利辟吳鉤山谷投贄再唱再
酬豨苓桃李取喻最優笙簫洞壑仙人綢繆比之鸞鳳
豈屑嘲啁杏園斗室菊壓輕舟雞豚在御蒲桃滿甌參
寥揮塵英盼轉喉洞簫吹月不必箜篌成虧今古泊然
一鷗載祈靈澤戾止神湫竹弩射石僕姑誰抽牙霜毛
雪載沈載浮月龍日虎若躡若蹂嘉禾仰膏雨沛雲油
荆山峨峨澗曲谷幽爰相爰度石頑木樛妄云溝吠乃
生瘡疣桓魋久朽惟餘松楸雷琴一鼓山水悠悠曹邨

既決六塔徒修河入碭蕩徐方是愁負戶沈竈雉堞緣
蚪公親畚鍤徒跣甌窶牢城奉化軍捷如猴執挺召火
雨不敢休南起戲馬北屬城頭隄一千丈包如大裘野
食露宿髮若禿鷲綸綽嘉之寢語駢稠天王上洪水岸
四周河流允翕民疾其瘳賓興有典鳴鹿呦呦西貢京
洛北嬈魯鄒吹笙釋菜衣絲弁俛金須淘汰玉藉雕鏐
蘭芷旣拔珊瑚齊收春華受露秋鷹脫鞴水寒田瘠法
有吳嚳炎官火織赤幘朱旒其光熊熊其氣焯焯貓虎
同祀螟蟻是憂以糞以沃且耨且耰人日俱乘講禮春
蒐流星比箭長虹曳旂錦飛關戟纓影兜鍪葵依戎帳
隼動金眸毛血紛沓狐兔冥搜將官雷勝勇如虎彪武

士雲萃迅走驂駟城南班獲斜日回輶載燔載魚以佐
庶羞鳴鶉初歇爰念懷柔利國鐵冶微山之陬郊費旣
荒泗沂爲溝塢張瑜攘狗盜鼠偷長吏相視富民是仇
公籌上策保庶有鳩寓兵團練長戟夷矛師無乞魯鑄
不停歐殲厥渠率保此田疇屯靜傳燧野絕鳴桴萬有
千載實賴良謀緬昔攝提製錦秦郵吳趨聽鼓皆薦膺
滫今茲嘉平吉日敬諏邇有果餌簪盍應劉花豬告臚
兕觥其醪傑閣百尺鴻跡想留頰視濁河冥契仙騶匪
去匪住如一浮漚飛雲片片朔風颺颺公騎黃鶴庶其
來游

鳳凰

鳳凰孤飛有鳩哀之高下
離離若或徠之

一解

妖狐九尾首戴人
顛金支翠旗遨遊五都

二解

婉悶重閭鹽陵在房
赫蹏細書寄者于長

三解

我家告繇姤見金夫
一陰五陽剝牀剝膚

四解

蟻恃陂塘含沙射人
河朮善怒揚噉吹蘋

五解

北斗插天枉矢縱橫
誰奏綠章舌燒長城

六解

所謂芝草鉤吻烏頭
庸醫處劑加鬼督郵

七解

祀於泰山孟酒蹄豚
祝宗用圭犧厥妖魂

八解

一鵬一鴟一鴟一梟
或泣或歌永夕永朝

九解

嚴霜密雪飛電疾
雷烈火相燎何物不灰

十解

擬鮑明遠飛白書勢用原韻

代

刻籀霜潔鷺絹冰鮮譬諸素月忽籠輕烟近追邈隸遠
配籀文直疑珠貫散若星分快掃晴雪淡抹春雲其峙
鵠立其動鸞飛其撇弩發其點鶴歸方則陣布張則虞
機墨瀋縱橫匠心獨逸罅列方疏絲毫較密削牘雖盈
纍黍不溢故能小祇徑寸大或終匹縛帚散沙是惟絕
筆

五雜俎

五雜俎登甲榜往復還慎朋黨不得已甯山長
五雜俎黃金臺往復還慎求才不得已甯草萊
五雜俎絕耆欲往復還慎梁肉不得已甯脫粟
五雜俎絕慶弔往復還慎言笑不得已甯山橋

五雜俎交道素往復還慎忌願不得已甯布袴

讀阮籍詠懷

氣弱難作健虛左求同乘年力差肩隨才德較已勝草
甘蛩蟹游鳴和鸞雀應豈不慕黃鵠小大勢不稱
阮生志宏放遭時每慮禍作達寄其傲慎言不敢哆早
生炎漢中端笏侍青瑣終當一鶚奮豈屑二豪佐文士
不耕漁隱顯無一可揆華雖春葩薦筵始嘉果俯仰多
所懷達人患有我

雁木有定評蘇李安足數金石契原難荷鋌託場圃東
陵子母瓜芳鮮異臭腐比鄰皆沮溺分肉鼓社鼓悅懌
致村醪歡愛同簷廡寄身簪紱閒其災斯所取

首陽有嘉林太行或失路求仁一念專何當左右顧松
柏挺寒岡葭莢彌秋渡旣發廣武歎益窘窮途步孫登
言可懷嵇生錯已鑄假令肆臧否將軍詎保護

調息箴

寂然萬象閱陰陽糾濛瀕炎炎高下奠離鉛判坎汞積
塊眾形母大氣撓使動五行互糅雜紛紜若蠨螋異類
聚其方化機俟挺捫帝武苟未歆安能瓜瓞嗥百骸皆
蠢物宗氣執其總紫陽調息箴理可質周孔

有感

冰炭能相濟道術反相妒嬋娟不同貌酸鹹異所舖乘
勢而執一蠨螋得雲霧班生敘九流殊派許共注巍巍

巨室煥主賓列奧昨柄耒効其任君無私喜怒

又

名實治之符辯慧亂之藥信在壹賞罰泰戒彫樂棗卽
調伊傅羹未必眾口說法立勇不守安用十堯桀險非
太行坂皎若天山雪昔聞樓季健今乃同跛鼈秦楚可
制挺況微等滕薛

又

有餘謀可豫能閒慮乃深繭足日百舍必有餘閒心尺
璧不足貴貴此一寸陰及時集羣策公立法令森皦然
智愚範諷勸皆虞箴豪傑豈易覲切忌浮與沈

又

強藩邦之垣患乃在尾大老吏習舊章舞文成世害交
深二五耦禍變結中外仁者蕭斧厲乘勢刈蒿艾巨憝
一旦除餘子等自鄙復樸去彫華不才曷狼狽乘暇讀
道經冥然安愚蠢

下青陽事

甲寅

貧者困飢寒富者多金珠居平不相下既亂貴賤殊上
下兩青陽甘心爲馳驅借以快恩仇賤亦受其愚何來
一監軍體貌美且都謂此真誤事百室遭駢誅出示慰
外小

賊中呼民曰外小

俾各安屠沽天道有巧還聞此聊歡虞

刺玫瑰花

甲寅

東風翦紫翠欲以娛嘉賓花有大智慧以刺衛其身可

望不可狎獨占寒巖春殘英甘萎敗矚然脫風塵高山
亦有壑大川豈非津寄言傾城姝自立誠在人

謝人召從軍

咸豐甲寅在陶巷
是年間七月前事

從軍異書記謀食必危殆主客戰守情偵察中有宰統
統鼓聲急搖搖旌旒彩山迴米可聚敵大氣不餒莫府
陳秘計致用實足采戀棧共旅進死綏有餘罪向寵性
和淑才難萬斛載戰士卽虎貔戡亂恐有待頓眾對堅
城百敬或一怠側聞士馬閒服食窮山海彼強己心驕
從之陷菹醢愚公性本愚出處敢重悔

與張東序言四十八社團練事宜

甲寅

威望待他日才氣必出眾率馬必良驥長鳴須紫鳳知

勇非無人幾使吾入甕劉子大紳信佳士自命孫子仲小

勝遽矜張遂蹈輿尸慟四十八社中巨室須梁棟要在羣情服不必傳巖夢將苟得韓白餉先謀賦貢旅人無所求安枕甘餒凍

張和伯未相識也聞子至介鄰人翁君致饋泉刀

因婉卻之其後亦未一晤也甲寅

桑梓五十年未修相見禮何期流離中勞君致薪米溼竈方斷炊百感欲零涕再拜謝鄰叟聞命顙有泚飢寒本同人立身識根柢請謁俟少暇殷勤再受醴

六都汪介堂宅所見甲寅秋七月抵績溪住五都馮村舖所作

緣溪徑彎環陂陀繞村柵竹椲分風泉藤花綴霜柏抱

虛老仙人閒庭自蠟屐勿謂山家貧蒸藜餉遠客門前
黃檗峰閱世數千百千祿歎官卑置田嫌地窄錄事來
岱宗共指宿草白昨聞葛屐兒翁仲賣南陌持刀爭分
金鄰里大嘍嘖吾生食吾技未解衣裘帛祖孫廿三世
仍守五畝宅

漫興

甲寅

祝雞不知鷺養魚不知蟹貴人侈食單貧士性豈解山
長筍蕨肥何用青錢買飯後自鈔書頗憎竹紙矮

汪介堂惠芝

甲寅

廬山歙州西陰陽氣萬狀將孕不朽材羣彙豫蘊釀煌
煌苗靈芝墜石護跌踢山人慣幽尋捫葛千仞上采之

遠見詒云此壽者相予方曠羈孤寒熱戰府藏惟乞不
肖軀歸骨先人曠呻吟恨爲儒文字拌覆醬兵燹日肆
屠客死豈云壯感君遠道思復緘告無恙商雒隔重深
雲樹幸相望

崇福寺東巖

甲寅

坦頭趨八都迤高不見地蟻旋得平壤斜剖若敲器佛
刹創輝煌殿腳躡蒼翠客堂雜僧寮緣峰勢累騎其東
景昭曠罄控縱六轡支筇欲出穴坎窞終恐墜始悟天
地寬狹隘道所棄身外盡荆榛山垤皆足蹟

楊林壩

甲寅

萬壑爭突突日月互向背西流孤鳥逝灑派六鷁退渟

爲古鏡影聲疑羣玉碎斷竹續長規釜鬻喜可漑魚梁
楊林西瀆洞供米碓水爲兩閒寶流沫亦歡愛質庶得
荒圃餘波灌吾菜物理何得失人事有興廢潛吠諸大
賢微塵裨泰岱

雞翁關所見

甲寅

兩溪爭若雌孤椒巍爲雄巖前設高關障水不許東子
行畏微嶺肩輿萬松中居民百餘家服食留古風拾薪
代煮餅不輟編籬工寸陰竇拱壁積勤乃奇功

棲霞寺壁詩

甲寅

亂山競東奔涂繞石鏡

山名

下古寺俯幽巖轡銜御生馬

杉柏圍絕徑佛殿聳萬瓦僧雛采松菌湯餅餉游者方

丈頗爽塏奇石錯丹赭壁閒有留詩斐然近風雅君能
辨商齊惜予非子野

采薇子

甲寅

乞食野人家采薇亦柔止灑血西山巖采薇亦剛止黃
陶金正兩故人殊不問鄉里縛松爲不律倚石爲苔紙
時爲變徵聲氣感揚之木身死髮仍完惟諱其名氏

三門亭見野祭

甲寅

松鬣張翠毯四補青山缺西南羣峰開豁然碧玉玦翼
翼三門亭石色堅於鐵微行過灌莽數曲拂棖闌扶杖
野老多謂今寒食節墟墓紙錢灰子孫貧賤血鵠立謀
一醉鶉衣綴百結挑磚皆徐徐乞餘誰屑屑幽菽畫棋

盤磨麥拌糠粒攝主跛以臨小婦嬉其啞拜跪村巫贊
滌濯流泉潔歸去緣田塍春樹有鷓鴣苦竹塞前山義
馭願影映

花潭書屋示諸生

甲寅

無人庭可旋得士國斯重從來道集虛勿徒事諷誦英
謨括華夷亮節卑魯宋輦悅繡何爲惜陰求實用

焦卒貧賤身一介慎取與亦知簞食微奚用百夫禦奇
策率竿牘高文迺空語不見盛寒支傾仆仍亢拒

非講學不明非悟得旋失非誠志自紛非勇退必疾如
蒙固不才請以予爲質階級雖萬千躡足本於一

高材備八能碩學包九有磊落屈宋姿奇麗班揚手何

忽傾城姝歐蘇變老醜以韻文其文荀卿謂可否

士生千古後思議苦不進宛曲寡女絲開闢摩天刃一
倡復三歎五花翻八陳殿上長明鐙油火兩無燼

昌黎元和豪起衰振八代論聲由氣盛高下皆可愛揣
摩甜熟言市娼咿唔態由來鍾呂音不顧俗耳礙

文章貴義理吐屬重氣味設色最下乘然亦判涇渭咀
嚼九經腴精液滋腸胃農山餽飭才爭妍於百卉

桐城文派柔務極寫送致增長自忌短尚素痛刪翠游
心淡泊初名象悉吐棄么絃清夜彈記事非其類

一編經世文金萬鎰不換犂然分六曹精之則一貫氣
運日變化利弊細點竄有身須致用是爲關雎亂

三門亭懷石上錦先生用前韻

甲寅

直道存宦場咸以正無缺有味苦口藥賜環不賜珖先
生事府主心非石則鐵羅列引案例剖決奉圭闡一署
頌高士冷眼抱介節十年游漢川一再見喋血手拋簾
中金東望鄉思結一肩雜卷軸此外悉不屑秋涼蘆稜
熟糞藜和米粒累卻諸侯幣踰垣若邱垤自甘窮餓終
蓋棺諡以絜惜子相見晚眾芳忽啼鵙德門子姓微停
車寒日昃

聞葛君碩已故

甲寅

英英葛君碩五年未一面予患愚若魯君顧謙由嗉胎
子青田石小篆鏤鐵線又作急就章蜿蜒蛟螭變自笑

榮獨叟奇光輝素絹自予游鄂垣逝者疾飛箭松老五
鬣墮霜寒六翮倦側聞琴瑟撤客塗清淚濺生芻不能
致空牀獨展轉

章秋漁先生

甲寅

秋漁老同門晚作德興令戴頭冒白刃有山無百姓城
失已數年闖然遇保正謂官宜早休自潔無垢淨今茲
且齧餅同評酒賢聖羽書馳旁午檄君細探偵新官速
催科勿誤軍興政感此挂朝冠林深路修夔歸來仍讀
書仕塗同陷穽

五老峰周志甫山館

甲寅

羣峰莽刺空不使門有闕白雲出其背兩行列官闕獨

有薪樵者蛇行徑一髮茅舍三四楹書聲度林樾訪知
主人賢投刺通請謁瓦鐺淪茗甬山厨采薇蕨蕭然淡
旅愁晏坐五老月

引龍塘水入小圃

甲寅

徽嶺大障支黃堊塞其竇上塘穴山腰千巖水奔湊蚰
邱列屏風龜墩設俎豆雲生甕拖尾霞蔚鳥懸喙采茶
女掇礪種薯男耕耨引溝禾足灌滙池麻可漚涉淺漸
知深測廣更量袤周千三百丈聲如萬牛吼飛瀑落下
塘淵靜繞村後纍纍冢墓多青青柞栢茂神魚或出游
外蛇那敢鬪荇藻影欹斜笙簧韻交奏縱橫竹梘修引
泉東北走柳餽烘桑薪花潭應蓮漏

花潭書屋名

浸潤及有

閒沾漑至無厚書堂藪眾芳嘉樹植二楸千步泉脈長
四時土膏透開窗青翠濃遂忘子室陋老夫日昏旄諸
生學飭餽時此鑑毛髮涼月滿圭竇

贈馮經甫

甲寅

漢興至武帝乃有馬相如胸有千秋業家無擔石儲長
門賣賦後文園病渴餘時事更厯久何必封禪書
昨次東岸水斜繞叢山關承平布函丈難在患難閒荷
擔夫婦愚手足能寬閒徂徠石守道乃師孫泰山

菊

甲寅

春風喜華藻雕鏤徧花柳秋風惡其妍收拾無一有何
期圃中菊自言受命後檜柏結同盟霜露雜然受肅殺

滿天地斬刈無好醜兀傲籬下姿獨享太古壽頽垣石
井月良儔瓦尊酒塗丹伴甘橘研朱綴杞枸借予老秃
翁是爲商山叟

游後門自長嶺回

甲寅

山居歲月長澄觀諸物性各順其欲惡肫肫不爲政引
澗茶鑪潔鉏雲藥苗盛日暄梅多花泥壅筍易迸髡柳
析薪地修桑旁枝竟多歧物力分一本萬事正五年客
授樂因緣兩清淨問君何能然與世通弔慶了無戚族
黨翛翛得無競

落日生寒烟秋林無靜葉四山若支牀丹翠襲衣被時
聞孤蜩鳴枝實音暗接從游二三子閒步猶荷鍤歸塗

繞長嶺斷澗厲可涉竹逕轉紆遠始悟大道捷

上馮村觀祭祠

甲寅

溪回山愈狹巨石角互觝數轉忽入坎天然設埤堦瓦
屋千百楹高祠門洞啟主人畢襴衫奔走列昆弟秩然
學官儀歡若家人禮事同薦酒脯情皆豐祖禰送神聲
色泯闔戶冠裳濟教化漸染深油油見愷悌蕭疎峯巒
中干戈氣一洗

與馮轍閒話

甲寅

建功乏敏才徒貴無奇骨覲然五鼎食何如牖下沒心
可質聖賢卑不儕隸卒味淡經本腴汲深理有窟遭命
誰挽回自反鮮餼飭偉哉村夫子循分甘糠麩

又

幼齡耆奇博陳書每獫祭期以方寸心包孕及萬世區
區名物微冥搜動淹歲扁舟泛渤澥思窺天地際導源
乾嘉來英儒此通蔽持以傲陸王得失真魯衛邇年兵
燹閒解脫成蟬蛻化非效鷓鴣嘷不計蠅蚋道味虛寂
生餘事漫鋪燈

汪介堂贈印

君六都人與余數見於馮村鋪也

閒雲不歸岫喜作他山客手持巨靈斧雕斲盤古石詰
屈繆霞丹空明霏雪白真樸仿三橋點化師六籍要令
千載後復覩臣斯迹贈予凡數印遠割浙水碧連舂銅
液方瘦削犀角窄心期賤子名不朽託竹帛寒江倦鶴

飛西雲捲瑤席挂颿郎官湖攜孥復于役佳期定三年
松桂動歸魄就君結茅庵淪茗話今夕

溪行遇颿風書所經見

甲寅

旅舍多餘閒後山日往反頰探泉脉幽高摩石齒斷蓴
小青刻蹶蘆疎碧抽蘼南坡百卉妍東風萬態卷餘馨
落英飛無力穉枝踈岫雲斷又續闖然車揭幃曲澗激
不淳鏗爾丸走阪驚沙眯牧晴灑塵污餉飯祭餘紙錢
亂村深酒旆偃陽鱗互潛伏乳鵲失繾綣強循岸高下
忽迷途近遠袖遮口若訥脛急足已蹇崎嶇度魚梁竹
林逢小阮扶持辟頰垣倏忽拔草楫聲轟萬籟喧崩灘
作湍堰飄蓬雪旋舞捲茅旆倒於噫氣賽牛吼積沙壅

豕圈遵塗動魂魄歸來拂袍襪鄰補雞豚柵婦進棗栗
筭隱几聊欠伸桑陰斜日暝

感春

甲寅

春山知餉客青紅次第出獻爵薦庶羞不肯倉卒畢連
亘千萬國纏綿九十日醉死少年場禿盡詞人筆獨有
鐵石心深念起悼怵靡麗喪剛毅柔曼化樸質懷安百
憂忘晏樂四體逸惻惻仁慈言墨墨乾沒術充然髀肉
肥豪傑成廢疾每於小節放馴至大閑軼何如秋霜嚴
晨鐘警蕭瑟新彈惠文冠六螽皆梳櫛坐使頑懦胸厥
疾一旦失人心風俗閒百年孰凶吉

鎮頭章質庵夜話用贈汪介堂韻二君莫逆交也

甲寅

午食五老峰突來不速客主人代致詞累佐二千石游
歷浙東西昨歸雙鬢白殷殷民物懷以貲始通籍自許
東南陬復覩循良迹紅巾捲地來宵濟穀水碧棄物厭
書多獨竄喜嶺窄起居盪心魂誰何問錢帛謀之山澤
矚重理函丈席筆墨事耨鉏口舌代徭役話久風露涼
前巖月生魄相隔濠寨司此後數晨夕

沿山紅卽杜鵑花也爲戴老民賦戴死後徽乃不
守張中丞蒂甚哀之挽章云已惜國殤真馬革
更難賢婦泣牛衣蓋實錄也戴山居殉難時門
前忽徧生此花其初人以爲祥也

甲寅

古帝思歸淚孤臣去國血已湛要離族新割常山舌遂
合萬春恨徧染四山潔平生冰雪懷言念肝腸熱指天
日可誓出地石可裂生枝皆騰蛟有幹如屈鐵誰期草
莽中獨抱致身節昨聞瓊玉碎深惜珊瑚折空無一斗
粟何以慰同穴馬革願雖遂牛衣情亦拙大臣弔敝廬
對此乃悽絕回顧闔外人玉食鐘鼎列門前沿山紅無
言欲哽噎祈公哀此花耳莫聽啼鳩

江都司長貴

甲寅

用兵如用刀磨厲成秋水及鋒快一割鈍置終委靡英
英江都司決盪不惜死平時撫士卒若家人父子前敵
方求賢資格重金紫坐使頗牧才不能騁進止事機旣

可惜豪氣困遷徙溪流晝夜逝氛烟日四起借問專閫
賢奚以續充耳

梅翁詩鈔一終

後學儀徵劉壽曾校字
受業上元羅震亨

梅翁詩鈔二

江甯汪士鐸

讀書

古人重心得次乃在言論所難方寸物薪傳至千萬百
念不獲已著書爲左券詞旨有經權人才別敏鈍未派
或燕粵初差只分寸一旦町畦歧枝葉相延曼爭持門
戶見單義遞轉販何期虛明德忽受縲紲困今茲狡而
執奚若侗而愿大或結朋黨小亦麗刑憲古人倘有知
以書爲遺恨

又

虞廷重搏拊周初已去琴關雖本燕樂漢易唐山音文

質世損益救時須商霖力田發明詔選舉宜山林旁求
資育將遠致梯航琛朝無洛生詠野聘梁父吟崇實黜
浮華戒囂必淵深動則雷電合靜則聲響沈妙在中有
定歧袞弗敢侵志誠復主敬太陽蝕羣陰一世三十年
鳳鳥爲苑禽

又

千年智慧祖汲冢與老屋千年辟世賢商山與徐福翹
才寄星槎少壯習耕牧遙覲鉛板書結契緇黃服長獻
歌唐虞閒情撫松竹本知干羽舞未必勝涿鹿闔閭縱
凶暴種蠡勸雌伏大賢紓嘉猷靜竦七日復魚潛澄潭
陰莫入豫且目一卷童子師百錢成都卜仰企相土威

聖道脫百六蛇虺毒雖盛秋風如轉轂

又

微陰才萌芽小鳥啼夜半非悼眾卉歇恐致羸豕歎

五月

婦用事故
鵲始鳴

志士警枕圓時窺明星爛雞鳴戒羣動莫使

日月翫通達在知時不在弄柔翰窮理期實用中外豁

然貫休執茅蕞儀襄古卑几案一陽動重泉復覩星雲

煥

十一月復用事
鵲始不鳴

運氣有勝復微禽爲扼腕宵深安卑

棲晝永轉求旦達人審道機瞿瞿絕歆畔

又

虞人省括同應機分鈍敏或遲若跛牂或疾若驚隼手
既總六轡駕恐絕兩鞞莫倚先施姿薄鬢憚梳多儀態

不足顧欲舍誰不忍才分各自知引辟比邢尹見賢推
其轂袖手毋譽盾讓能古所貴幹事心亦盡氣真物皆
感路狹步不窘盃試雨前茶厨掘春林筍

八哀

汝生甘食貧好學愜余意卑弱女郎身孤高幽人志半

菽能忍飢

女飯不肯飽

萬卷得所寄佐余補史志冥討使蒼

萃荆廣兗豫州分別不雜廁

佐余補南北史志於輿地尤分別部居不相雜御

輪甫半月汝壻攬長轡三臺高崔魏府主垂厚誼何期

玉樓召非關臺駘崇北堂有姑嫜禮當兩髦侍呼天共

姜詩泝流龐女事歸甯涕漣如言爲老父累余時疾雙

目聞此更垂淚霜桑不能陳恐爲後母棄

女家有老桑嘗以霜後采

而儲之以醫吾目恐
後母唾點故不敢陳侍婢禮小愆遷怒果大恚搥床肆
叫罵至今令人悸嫌隙一朝成凌虐百端至烽烟蔽江
來繞地遍賊幟公私盡塗炭陵谷易位置隨姑羈賊營
捆屨自謀食余時微服行泣別不汝庇地難長房縮脫
無楚人碁賊婦盛防閑閒關將誰懟賢哉汝叔才奇功
收垂翅辟地句曲城瘡疔極焦悴厨火晚不舉珠桂久
交匱時儻迎汝來恩慈或能遂念汝食指繁提攜聚老
穉荒谷居不易禽子共顛墜繼聞五月望我師失大帥
杞人憂已殷舐犢戚逾積比食每三歎在夕長不寐日
一腸九回北望交涕泗自媿爲人父不拯汝死地逾年
凶問至殉難在卽次冥思強達觀自茲理轉異已脫豺

虎羣此外鼠蟲臂魂氣無不之母妹不汝忤被髮訴大
荒爲厲率魑魅梃擊使伏枕高房熒火熾使焚死棄如
一醒天帝醉射無杜伯工刃無蔣文利精衛石可壘文
豹驂可騎釐亭垂前規殺之及不備吾爲鬼董狐奮筆
代汝記

哀長女

出門代母笞鞭朴不知血倚門望母歸秋陽不知烈弟
存父有後刀繩不忍絕弟亡父無兒薇蕨不肯齧匍匐
責姊生言死不言別支瓶省父病一痛形神滅何期中
欄中忽覩首山節烽火萬家破忠義寸念結晶瑩崑岡
玉能碎不能折使與賊婦語有口不存舌使爲賊婦書
有腕已如鐵崢嶸正氣滿敢致小雅缺哀哉全貞堂一

邱守吾拙

哀次女

忍死伏草間以汝在襁褓遷昇已六世得汝吾已老狐
兔有時盡松楸賴以掃琴書猶差存手澤賴以寶汝母
當流離辛勤及濕燥竄伏易十宅仲姊日懷抱不期堦
下蘭未霜已先槁蕭條花園堆遽成羸博道何年返故
園老淚望秋草

哀男
棄疾

羣從祇六人性剛吾與汝一樽話平安投分泯齟齬黑
山滿城闕音問無處所委巷忽相見握手噤不語痛定
詢母妻路旁話辛楚暫爲雁行聯快如出囹圄仲冬吾
潛行轉徙客陶渚明年賊網寬郭門不之禦有人傳汝
蹤急趨失天暑出險復入險變色見閉拒歸臥病卽劇

裸葬知何許聞茲大驚惋當食箸不舉相隔六百里寒
食奠酒滑白骨埋故山憐余成溫序

哀天錫
從弟

汝昔猶在腹粉榆再離亂閒關六百里風雨偕雉竄既
生又播遷土俗咸冰炭嶙峋義士氣一日百嗟歎辛苦
籌食衣甘苦邀同爨延醫治痘瘡調護及無算余館廿
里外望汝目欲斷獨夜不能眠賃廡在里閑招汝邨塾
前抱保必昏旦哀哉遇庸醫未疾委恆幹平生哀痛多
至汝不達觀自知將就木豈惟百過半闔族十六口城
闕供糜爛先德嗟餒而念此達晏旰或言汝重瞳恐不
嗜文翰豈知衰老心那期筆墨煥豚犬與麒麟隨俗笑
與讚祖祀苟可延文武事同貫昨登師姑山芋蕞彌涯

灌爲立三尺石恐亦陵谷換

哀三男
寶沈

夫子吾宗傑布衣不負國自儉妻孥米循城餉軍食重
關旣不守視氣忽見墨慷慨以其鄰烈燄起頃刻九口
鬱攸中戟手呼殺賊天高慘不聞罡風扇深黑平明瓦
礫閒枯骨尙僵植金印紆盞綬性理自矜飾遺禍徧東
南賁僅一死塞夫子不知書忠義天性識妻子共灰燼
所死豈其職鴻毛與泰山私衷常惻惻故宅雖成墟精
誠上斗極飛電雷火中仿佛見顏色

哀宗人
松崖兄

女貞枝亦強兔絲蔓本弱汝幼卽婉孌肢體憂瘦削夫
婿稱宜家嬌兒能笑噱順境不驕恣過先後宛若長春
無幾時烽火一夕作汝父甘殉難母弟共燔灼汝壻爲

賊脅驅之赴河洛淮水流湯湯趨如蛇赴壑懷中如珠
女同向中泣躍清白留人閒生女殊不惡百年無不盡
汝家甘湯鑊型于及西鄰遺芬到綽約始知烈士心不

獨爲毅魄

哀松崖
女童氏

衰宗如落葉安能十世普昆季凡六人其四已絕世況
復生女多難爲門戶計汝性篤孝友足使薄俗厲惟好
浮屠言未免憂通蔽叔母年八秩賴汝市甘臚寡嫂老
無子賴汝市珠桂塋荒賴汝修兄亡賴汝瘞弱女賴汝
全族昆賴汝惠辛苦羣盜中智勇彌其際甘隨老稚亡
不忍一身逝遣妻使歸宗不必有同斃顛沛所布置綱
常借維繫往年天修刑羣寇互吞噬仇殺徧城市遷怒

及奴隸汝居羅網中會否中六沴慮凶逾倍徒求福難
盈皆卽能溝壑免何日濁穢蛻勞生不自保北望時攬

涕

哀載福
從弟

和杜北征

杜子昔北征吾衰乃南邁借車載家具何敢賦五噫雨
足田塍滑破袂履草蕘徒步七十里筋骨甚矣憊車夫
哀吾老爲言石路斫坡陀太平岡健足且難艤南至蒲
塘橋篋輿可用勸三日逾定埠胥江正澎湃回望花椒
門賊氛倏已屆傳言燒銅羅不寒齒已齧馮村樹叢坐
食同辨饘餲崎嶇方龍廟欣然聞梵唄賢主讓筵簞暫
免蠅蚋嘑彈丸建平縣蛟洪匯幾派曲折田疇中輕舟

浮若芥行山雇筍輿假貸那辟債午貫十字路喧傳賊
大敗途逢得勝兵額手爲稱快暮宿南頭嶺燈昏一室
隘四山忽興雲人指癡龍掛須臾雨霏霏萬木屈而拜
衾枕咸霑濡橋梁傳破壞晨興仍勞塵起居歎伍噲湘
釜祇餽飪堆盤惟惹薤質明前峯霽破衫及時曬迤邐
過甯國高下山聳髻或左揖右讓或上豐下殺或陡舞
衝梯或幽鼓風韞或廣圍屏藩或削列珪玠嶂或黝如
漆石或赤如靺或高級百盤猱升比狡獪或低坡四注
丸轉足驚駭或紆回累碁留逆小輪界或翳蔽隱垣分
住公府解松脂衣或污竹刺冠或絳蝙蝠或掠面螽蛄
或入窠穴或朝鬪蛇壁或夜見蠶以履量石棧參分其

一網鷓鴣啼屋脊松杉礙戶閑幽崖路有無時聞山鬼
欬委蛇三百里廓然出荆蒯趁虛旌德郭耕夫市驂犗
小婦羅酒漿兀者治鍼解列桃杙黎柞陳八鑿九稗遵
途坂漸夷購物言多窳曲曲白沙廟闖然相見避山妻
亦入門喜見庭內灑燔炙饋八簋竟夕悅情話請謁徧
族黨馮心皆長喟羣季競邀致酒食困祭啐媿非武陵
漁忽入桃源畫今茲居旣卜明年賦可賣艱貞脫明夷
文字取諸夫新知更殷勤奔走爲紹介身世方蒼茫頰
首少游誠昌黎漫師說陽冰垂謙卦剗觚削圭角庶不
驚光怪問俗未周諮枉尺徒知戒非遇高義士何以免
凋瘵始悟韋可佩小節不足憚宇宙本寥廓迂拘自憊

言一
逾渭泉狂國裸我法自緯繡妙與物推移慎爲古所註
君子行素位書紳期勿懈

遣懷

能拙愛根深不節將及我無兒關嗣續無女豈不可爲
人憂闕婦謀臧計則左生存當放懷况乃甌已墮慧劍
破塵觸必證淨淨果側念三世情孝慈一肩荷先君問
與夷善辯徒多軼軼父女不能顧覩然蟲媿螺豺虎猶至
仁矧爲人之爹以此自纏縛愁城日深坐我法與僧法
相憎本水火世情貴苟且慮遠誠始禍麒麟自羈絆見
誚鼈之跛一息策百齡斯言真瑣瑣

酬孫繡田

嘉招荷師命一尊共醺醑長嘯遲孫登顧影嬾顏蠲伊
余逢故人片言貢心曲何期紡輒微屢引于闐玉如志
絳雲舒密旨春星縟作勢千夫騰盤空萬目矚轡緩騁
驂駟棧險出秦蜀不聆爨竹清焉知折楊俗昨午走髯
奴又投冊十束重瞻鳳九苞取笑夔一足平生怯步韻
謂同駒局促甘爲城下盟快等脫桎梏鞭難策駑駘硯
竟焚鸚鵡借譬耕田夫安敢談朝局停雲結遐想臨風
企高躅聞君有小園開門眾山綠虛窗招白雲餘糧飼
黃鵠秋成梨棗蕃晝閒茯苓斲緣畦列百卉插架儲七
錄能容嵇康嬾卽無申棠慾心堅踰垣操固辭適館辱
徐州富先賢芳塵賴君續盥手發詩筒雜誦夜剪燭

懷王蔭庭椿陸郎橋却寄

長淮限橘柚清涕止鸚鵡平生畏遠遊豈無金繒欲閉
門容守拙合轍必諧俗崔蔡振東京馬揚奮西蜀才命
苟相遇前徽不難續呼兒懸巾車躡屐春山綠據梧契
鳥語側帽對鷗浴莫歸掩柴關園蔬飯脫粟隣翁乞社
酒良朋剪短燭蕭然葆吾真敢希先賢錄

和劉香南

坵元作云文采不庇身識字亦何用出
門復入門鞍馬殊倥傯人生苦饑驅每

爲造物弄去留難自主惘惘若春夢矧茲二豎
侵愆伏氣方中努力葆厥躬臨歧勿相送生離
淚已滋死別益心痛行矣各吞聲登車一長慟
蓋香翁由蕭縣攝鐸假歸復于役新安而內子
方病此別詩也

不仕復不耕饑寒將孰控束裝事干謁妻女增哀痛生

離成死別扶病強起送江河歲月晚君當慎霜霧一爲
蹠躐水安望章與瀆府主皆貴人君言恐愚戇取禍千
里外藁葬誰爲贈生者長母忘死當見以夢

長貧迫歲髮數散萍在水衰病不敢惜去汝客千里生
還恐無期慎母爲我死有女尙在室遣嫁終累爾良朋
示肝膽況乃同牀第但耐粗與糲久要到沒齒吾老更
傷心汝疾亦未起迢迢隔經年問訊憑寸紙

江水無停流落葉相後先屈指二三子交游鮮長年病
體涉羈孤百憂旦夕煎豈敢愛微軀一髮千鈞牽寡女
與瘦妻羸疾同拘攣百呼不一應遠隔悲雲烟有聲徹
青天有淚徹黃泉寄言太山下歲月當相憐

奉酬劉香南徐縷樵鄭鐵卿諸同人投贈之作

一雪高齋寒四山葉齊隕朋箋絡繹投欲報謝不敏典

重鼎彝丹斑剝輅楛箇彎弧欲示巧琴心三疊引

香琳南

宮曼延矚說山密且縝樵鄭君袖手吟吐氣陋蛟蜃

鐵卿

齊楚互爭辯旁坐亡是聽堯氣如春在花勢若驂有鞞

師行各出奇俊發不能忍泚筆走虯龍忽思雜蚯螾養

叔戰雖挑江淹才已盡頻年鑽故紙吟壇分域吟旗幟

樹馬陵窮龐愁見臙疲牛月亦喘安敢受鞭糾交綬知

未能九地請回軫箝馬並夷井懼爲陰雨窘復恐霜風

淒一夜彫朝茵茲時率爾由不顧夫子攷擁衾對篝燈

小窗北風緊

感懷

白日既西匿青琴誰獨彈思我同心人百憂無一歡泉
室苦長寂旅客愁宵寒落葉不再榮孤根難久盤破巢
尙遺卵念此摧心肝

東南有喬柯三花無一實芬菲扇單椒欣榮曜朝日一
花忽墜波悽然在嘉質卷施雖獨生憔悴憂思溢茵溷
本無定何如春風疾

鴛鴦常獨翔鴛鴦戲清池同衾既各夢何若孤飛雌文
采曜九翁顧儔難自持天風與海濤一朝夢見之死當
異邱隴生者常別離

哀鳴無多求翔集江中洲豈必逢蒲盧孤飛常多憂回

顧鷄鹿塞萬里無良儔凍雀在紇干爲我生離愁引吭
發清唳一聲天地秋

幽蘭生空谷不求美人憐一旦蒙剪拂常執廣袖前珠
翠滿雲鬢微植宜棄捐春風扇白雲故山蒼且鮮寄謝
同根草勿移大路邊

茹船補破帆礁石周西東昏昏長年醉南行逢北風立
身一不慎墮入滄海中巨魚睽星睛齒人濡血紅哀此
同舟人遭命皆途窮

有感

饑寒迫事會行役誠多營川原歷險遠擔簦來大彭蕭
葛一以作忽遇野艾并知難性急攝定力馭羣情泊然

寂無欲去住無弗平如以鏡照物妍媸泯其爭尙媿鏡
有形我相心獨明何當遊太虛形相俱不萌

除夕憶高小漁皖口

娥眉易見妒文翼常遭羅美人豈能毀微言森長戈善
淫非所施明鏡胡顏酡守符固邀寵蓄意非無他逝水
自入溝悴葉終辭柯百年每苦短一歲反苦多西隣有
醜女采薪南山阿縞綦茅屋中臨風笑苾蘿

齊王不好竽越人何需冠笑爾遠遊客苦吟嘔心肝探
囊旣無術舐痔亮非難山泉水多清瓶花顏易殘粉黛
雖三千何者爲所歡

貧賤思故友患難悔前愆故山可被髮高節須歸田一

言二
二
慙苟不忍百身何贖焉故園二三子談道儒又玄當時
見平淡追想成僊佺新知豈易結蕩蕩河無船非徒謝
文采涇渭殊道川安得如黃鵠高飛凌蒼烟

旅懷迫歲晏惟思骨肉親遙知短燭下流涕思遠人富
貴尙多歡酒肴羅八珍當筵猶強笑背人眉方顰齏鹽
困牛衣奈此成長貧歸期四百五夢隔越與秦窮檐白
日淡明鏡生清塵申申詈臺官置閭當此辰

哀吳氏長女

五十悲無子嬌女亦爲寶先子易簣時殷勤念汝好少
小愛文翰詩賦鄙浮藻昔年編史志賴汝助探討方輿
與檢表地形代削藁今古源沿革瑣細及村堡旁徵宮

殿名上記漢魏造左氏逮通鑑江河包行潦于歸方半
月所天逝蓬島余聞驚失箸痛若矢貫腦家貧百可憐
嚴寒被絮襖歸來顏色悴粗食不敢飽昨爲掌上珠今
同階下草一語觸人怒頭叩若杵擣篋中有枯桑珍重
等火棗余目病風熱賴此血潤燥恐遭繼母嗤袖手不
能道垂泣向虛庭願勿惜枯槁旣媿吉甫智敢辭晨風
惱疇昔期將父詩頌集榭鴛疾疾已日深貧賤難相保
死惟祝宗祈罪空奧竈禱聞此摧心肝顧影余已老兩
全理所難一抔苦不早泉臺問女孫何以對妣考出門
事干謁入世歎潦倒瓶罍多餘恥硯田屢旱撈汝妹尙
在室相依無兄嫂惻惻愁譏訶煢煢嗟梁稻彭殤壽本

齊何待兩鬢皓三生說苟符不必再文祿客臆偶回憶
翦燭傷懷抱

金魚

甲寅

神龜不潛淵災及園中桑爾既異鱗鬣法宜洗心藏何
乃露文采盆水供洋洋寄言舒姑溪魚隊須遠颺

榘

甲寅

茅栗不作贅檀梨強登盤柿柿僅髻蓋金櫻入藥丸爾
榘殊渺小瑩瑩鶴頂丹色異桑果紫味含楊梅酸筠籃
偶采擷進不廁食單五里罐子嶺棄置同素紈寄言採
山者材不材皆難

鷓鴣

甲寅

斤竹緣高岑幽鳥鳴句周四言分兩讀格磔方嚙喉長
林雜丹黃南征憚回眸茅屋日氣淡竿橋溪聲秋莽草
積餘瘴怪石激回流殊俗各鳥語戀土惟馬留爾行奚
樂此豈爲子孫謀寄言南行客高飛實阻修

酬華枚宗

長卿

一雨五月寒擁衾聽鷓鴣曉厨烹雙鯉驚靚青玉案聞
君鑽樸學方沐喜不盥同志苦寂寞吾道有厲鍛百年
攻許書金壇爲之冠爬搔剔肌理騰驤絕羈絆形體辨
微茫萬彙盡演讚塵坳三千載杲如日始且惟嫌自信
勇二典嗟點竄字易鄭君箋說同應氏案紐以十七部
律唐獄則漢後來門戶徒吹毛肆譏彈相失固齊楚相

愛亦冰炭味谷張異軍數典玉璀璨譬如簿鹵嚴何必
廢雲罕齋宿懍盱蠻竹宮亦舉燿萊友發凡例分析枝
與幹釐然八音別屹若兩戒判以我齊不齊六書歸一
貫大固分疆域細不免武斷朱氏廣搜羅聲訓證象豕
山夫疏引經學官稽璧頰獻之砭流俗近似莫適畔鐵
橋讐最細復古寶巍煥文僖譜諧聲建類輸與灌觀簪
醪同異遺文拾漫漶蠡測假借明經訓雅俗爛通正列
諸經詞采皎睢煥未足窮奧窅安弦首操縵新坵表圭
璋不使砥夫亂費氏考重文寂寥無片段楊君探討多
翩翮鳥舒翰毅然刪吉金卓識起三歎惠席校訂勤功
豈亞二裸相國表小徐紛陳學玉瓚先軺裒明見小淪

大波瀾邇來習訓詁等廣陵散飾易塗丹牖質尙求
板榦集腋成大裘章身下至骨絳繅五色彰掄屈鞠展
祿洪鐘發巨響漫學耳目玩絕塵視才人隸首謝難算
願君勉卒業慎毋懈得半去年楚國遊謀食增驚惋紛
紛原伯儔胡葵與大蒜羣居鄙清流謂愚魯辟瘞羈孤
逢橫逆緘口矢孔熯儻非府主賢琴材幾供爨秋涼擬
擢歸載酒恣問難停雲殷我思躑躅長河岸

憶吳氏長女三十韻

爲學四十年聞道非不早家無子雲田詎望麥與稻冥
情人所難紛營倏衰老區區謀米薪載筆謁冕璪服膺
衡泌詩葆樸全吾寶插架二萬卷暇輒肆幽討乘槎尋

河源境或漸深造雖難睹昆侖淺已異行潦頰視百家
言秋風脫葉掃閒牕晝清燕一得偶屬藁狹小原邾婁
卑陋儕牧阜累何分巢瓢嗜期同炙棗蒼茫丁家艱摧
折木上稿百憂若有約環互就濕燥吉凶誤趨避語默
成顛倒故妻土未乾愛女衣忽縞敬通日見詆伯奇恐
帶藻悲哉父子情垂涕夢中道昔爲金閨花今爲秋霜
草生趣昕夕絕死期祝宗禱貧賤逢不辰骨肉那能保
申申怨鳩媒憤欲墮其腦遭命靡聖愚搔首問蒼顛春
冰吾難恃況又日杲杲糠覈豈易得寒宵素空擣汝媢
多苦辛閔汝增煩惱期汝歸蒿里快若登蓬島茵溷旣
一定短折有時好惟思填溝壑無以對吾考羈孤風雨

夜哀念傷懷抱

有感

集蓼非云辛茹荼豈爲苦積威使人愚銜悲不敢吐天
屬盡凋謝一羊當羣虎二豎與鬼伯趣行釋罔覩強死
古所戒命本輕一羽天地自高厚局脊未容俯脂韋性
莫諳言動日觸怒哀哉誰相知千里慟慈父

古者重守拙有田人亦少叔季俛仰資智術鬪竊渺氣
必剛暴橫舌恃便給掉訐直傳陰私詐諼極要眇賊殺
爭錙銖富貴光八表口吃而心直世務必不了溝壑分
所宜得禍倍魚鳥生女必強悍生男必狡詭能生不能
顧不如溺於小西北有汪池東南多清沼吾慕豫章風

初生付浩淼

地異風氣殊閱歷卽刁詐文字記事迹讀竟談王霸貧
富互炫耀營謀窮日夜鬼神恣愚惑趨辟徧華夏君看
深山中蚩蚩安耕稼又如窮閨女不知有蘭麝安得頭
痛坂百里一河華老死不往來出鄉罪無赦惟留老莊
書餘灰咸陽下錦繡焚交衢黃金土同價淵哉懷葛風
那顧腐儒罵

存老莊文列論語孝經齊
民要術本草醫方而已

悔翁詩鈔二終

後學

金壇馮
上元朱桂

煦校字

梅翁詩鈔三

江甯汪士鐸

悽悽

悽悽復悽悽，哀蛩當戶啼。
有偶願聚居，我願長獨棲。
年華離弦矢，家道司晨雞。
劇盜笑睖篋，腐壤萃濁溪。
歸隴愍諸雛，織素思故妻。
人欣凱風養，我馱枯芟齊。
拊臆不能語，安樂增淒迷。
所愧蟋蟀鳴，秋窗山月西。

狐貉不願衣，珍錯不願餐。
願捐骨與髓，難買一昔安。
古禮有七出，情吏持以寬。
覩縷三不去，屈法強之完。
癰疽忍不割，禍變心增寒。
寄語牧犢子，煢獨良多歡。

擇木

亂世擇木知必須能庇民雖無幼穉累庶潔清淨身自
顧乏寸長敢望廁末賓烏知海岱量罔羅及涓塵同館
數十人親愛殊越秦遂令支離叟月蒙賜粟薪賃庶偕
病婦忍死罷吟呻荏冉十餘歲癯飢忘其貧暇猶拭瞽
目一鷓餉遠人嗟我平生懷惟在保吾真富貴與彭殤
不值一笑嘖遙荷百朋錫感富以其隣中夜挑鐙讀忽
忘時艱辛妻孥謂我痴滅燭俾待晨始歎府主賢風鶴
靖泗濱誅鉏徧梟獍意在安鳳麟幸託仁者宇亦沾無
邊春

貧賤

貧賤無門蔭頑情復無營交遊乏忠信出門何所行媿

彼巫醫技奚以代傭耕循省及親舊向誰訴丹誠兒女
繞膝哭饘粥求呶嚶內顧室家賢幸免交謫聲俛仰自
跼蹐聊同寒蟬鳴

贈桐城馬通伯并柬廉卿

七月二十一日

大雅無替音叡知不廢學約禮先博文至訓等山嶽儒
通天地人萬里資揚推巨室需樞極細亦備栴栒比事
才力增竟委識量卓果腹充稻梁醞釀別清濁濫觴不
并包材薄奚追琢未聞咸英懸所奏只清角未聞松檜
林同岑棄六駿君年甫及冠幸依巧匠斲張廉吳肇兩
內翰英英玉之珥在山卽河汾儀世皆驚驚張君與蒙
習論世歎致確咀含馬班腴彫鏤完太璞稱量戴方言

言三
合奏韶武樂秘旨搜典章希聲益渺邈鳳池擁皋比舉
國奉先覺揚觶嫌致師息爭此重較關楊墨釋老孟韓
僅其設周聖配孔師請子從其朔

自警

任情生意外快言致心迷君能疾認錯卽是改過時
羣峰攢劒鋌灘長石離奇君能知險阻卽是轉身時
厚味多腐腸美色剝骨脂君能澹泊足卽是去病時
詩書古所餉風月天無私君能隨境樂卽是養性時
有如尙涉相無着何磷淄君能同水月卽是不染時
端倪靜中露吉凶情外知君能默以處卽是智慧時
有功切勿居有過無可辭君能樂人善卽是不朽時

在物無可欲在情無可馳君能淡相忘卽是證聖時

夢對六章

孤踪訪書林泥塗草親刈其徒縮手坐自言不足矇古
籍度二三凌亂復破碎云有壁連城幽蘭辟榛穢客誠
識寶胡啟櫝敢深晦夙知藐姑仙高蹇絕一代驚見冰
雪姿明鏡施粉黛縱無綺羅香已失天人態自云欲孤
騫無計息羣吠夜叉解飛行超海挾泰岱感君區區情
如針膏起廢往愆悔圭玷至言當弦佩浮生纔電光百
年幾向背荒陂足游息慎勿逐魚隊還爾匣中珠自笑
負舊愛寒柝咽深巷挑燈記夢對

東有九方臯西有千里馬馬齒日夕長邂逅何爲者雲

雷啟經綸麟鳳滿朝野春曉鹵簿仗王良方秉杞雖食
三品料亦同困轅下何如在駟郊飲齷粉榆社悠悠百
歲後死骨得良賈

進賢闕豐貂急取黃犬續豈無捕牲戶得此意良足所
幸風日暄西山寒尚綠閭闔開軼蕩充然伴立鵠萎蕤
附蟬金冠冕厠蟒玉霜雪恐不勝爲君祝晴旭

翩翩飛鴻驚珊瑚邯鄲步愛君尾君後奈君不回顧誠
素亮已達百迷冀一悟果破羣兒訓莧爾披雲霧良金
冶誤躍精鐵錯忽鑄吾學在反求得喪本有數我非持
斧人幸得拊桂樹

萬物雖一體分位萬殊別豈聞箕穎賢獻策贊稷俛况

持元明輪上合唐虞轍局中久苦辛旁觀盡滅裂矯飾
耳目華妄託肝膽熱縈繳慕世巧抱瓮鄙吾拙莫恃山
坡暖陰崖有冰雪喬柯君已伐期君赦萌蘖

門外車鄰鄰室中人婉婉擣藥偶向月采杞不踰阪炊
餘爨出汲幣來疾投畚如何同遲莫遙知數偃蹇未足
儕副筭唯宜伴飛遯君言頗不爾吾家有南阮叵耐勝
衣兒解啗脫粟飯華侈豈不佳君子重務本力少任太
鉅日夕塗尚遠黃老貽至軌逐物在所損勇拔湯火身
自立或非晚豈畏吠聲喧柴門夜深撻

防患

氣衰樂散誕意滿多矜張古人防患心精神慎以詳脣

亡齒奚有免死狐宜藏謂文猶用眾斯義恐疎狂一蟻
潰金隄烈焰焚崑岡眾志異向背內訌益沮傷寄言好
事者啜醢引壺觴

守拙

富貴良足慕時來偶得之貧賤豈足甘守拙理所宜時
逝巧難留拙極家人嗤巧拙緣天性閱歷什一移古者
力田園暇始治禮詩誦讀不求博貴在能設施今人處
闐闐耳目競刀錐淹貫萬前哲特供口舌資興賢與擯
斥得喪憑主司主司異賢否視運衰旺時非如射破的
左右教誦支何若守畝畝時者吾不知

氣乃精之精氣足神始王隳頽由氣弱強毅以氣壯秉

質有剛柔後天視所養孟氏重集義理明義斯暢異端
精噓吸轉謂理爲障吾欲通其邇末俗驚其剏史腥經
爲鼎諸子供醢醬經權備薦徹擷腴潤府藏侃侃與行
行當仁復誰讓輕刀鋸湯鑊無將軍丞相退若不勝衣
僮媪莫敢抗桎梏巖墻類衡量極精當讀書又養生並
行意司匠好剛好勇者終須義爲尙

賦畀感氣殊仁暴皆天性膏梁或癰疽砒附果治病痛
患倚盧扁處劑明若鏡末運戾氣鍾族戚睚眦競探丸
輕文吏山澤聚亡命斂錢雜署置篝火自神聖遂弄潢
池兵洪楊斯爲盛初由習恬嬉粉飾互相慶遠近旣燎
原招隱賡前詠使無英彭徒大難誰究竟輯瑞尊三靈

言三
三
喋血已萬姓旂常銘殊伐節鉞遞輝映妄意唐虞際岳
薦無劇孟趙張與龔黃參互迺得正赴機師釋括行簡
非居敬毋矜一代雄朔風豈長勁

定力

有種卽有苗有因卽有果有感卽有應有平卽有頗功
者咸自功禍者咸自禍天不任培覆樞機操在我其始
分理欲其究爲水火誰於太虛中懼溺急轉舵猛省挾
定力百勤戒一惰異時善惡泯無可無不可

題周次夫餽圖

造物如虎狼血人不以齒生膏梁麴蘖盡與鳩毒比肥
醜豢庸材沈湎誤佳士平衡集燕雀不差銖與綮古人

重元酒其味則明水終日温温然三爵油油爾作俑者
儀狄大禹惡其旨金策賜鶉首天帝易恆理杯中何澹
澹江神鬪若兕覆舟偏酒壻酒泉迫西汜糟邱復浚池
牛飲喪介社窟室亡卿宗穀陽益楚恥黃祖量固狹巖
八憾未已猩猩困於屐妖狐失其美自天地人物厥咎
率以此惟彼晉宋儒託之避臧否心醒而跡醉賢聖皆
可喜周君懷古情湘纍非所儼尙友千載閒高山夙仰
止支公不馳騁乃愛馬千里淵明不知音素琴縣綠綺
義山慕展禽唵懷柔且靡坡老飲蕉葉言醉滿苔紙取
譬三四賢事殊神則似醉鄉寬兀兀萬物如脫屣頰笑
温飽徒紛紜戰浮蠹

擬陶讀山海經

田園雖荒蕪草木腓且長鋤芸有餘暇讀書欣風涼欽
馭方肆虐窳窳尤鳴張崑邱一以傾重華不可望誰銜
精衛石夸父走欲僵遂使三青鳥飲泣有餘傷王母能
長年對此摧心腸不如且進酒拋卷臥匡床

報恩寺塔燈效韓孟聯句用朱竹垞天甯寺塔燈

聯句韻

本三十韻內避

廟諱故無玟字韻

歸鳥厲亭皋羲鞭西入崦投宿長干東柔苗踏白藪傳
燈佛圖時嘯侶削丹槩卓爾仰彌高闖然望之儼留離
嵌空明焉支醮雲染遙憎葢楚蔽低訝斷壠掩垂如柿
實逆動學夫渠颺左右儷陰陽下上詎褒貶驚馬燐的

鏤徵螢谷皇剡驪珠戲層霄蜂房銜絕广燦燦雀屏彩
黯黯蠓腹曆束熅遊相輪秉炬築傅險啟明欲晰晰燭
火猶燄燄赤餘狐丹升碧剩鬼睛睽想當日三商僧雜
爭然枯桃緣百十級星散萬千點磨蟻走回環巢鶻辟
荏冉沸蝠鏡孤懸搜蛟電四閃山魃脣吹噓百翳不一
掩茲剝本天禧改創工祈禱祝釐託母后監造勅大闔
不聞其民康竟爲非鬼詔魏永甯石窟對此意未慊北
搆殫塗墜東封遜泥檢司禮假之鳴慈仁來者漸是時
雷破蟄廡寮夜閉居怖鴿鳴風鈴飢鼯竄雨簞簷瓦長
平飛窗蚌濕沾滄分光舞天魔照影斧老魘須臾搏木

紅炫曜羣彫斂

是年雷震塔
之東南隅

與友人論學

道學在淑身文藝原非才聖人制六經濟世殊恢台易
以前民用時位妙取裁書以道政事四代治法該諷諭
借風雅正變異樂哀春秋與禮樂失之徵禍胎棄禮必
卽夷彝倫生嫌猜變樂必靡曼淫惰習俗開春秋重征
戰几席殷風雷通者七十子用之濟伊萊借問兩廡儒
幾人能追陪空言擅詞華更隔昌平埃其餘利祿輩祇
足增嘲詼聞君欲爲學中道休裴回讀書貴推闡莫泥
故紙堆古意入今制是曰經師魁

王烟客跋伽小照

爲閩丹初廉訪題

奉常閱滄桑餅鉢悟本性河山已泡火文彩無衰盛儻

然林泉閒趺坐心若鏡平生翰墨緣比二十五聖伊誰
兒枯禪寂若維摩病蕭散松石旁俗氛洗衛鄭廉訪清
苦操高秋華嶽併理劇心仍閒造道力逾勁官衙如僧
寮澹然塵觸篋九霄翔蒼隼頰視笑獲罪良儔白或浮
妙墨黃亦硬語深撫長鋏夜涼對短檠簪組等脫屣奈
此行義正二公異出處同斯無躁競巖谷與鐘鼎先後
智珠映羽書徧南北何處供歡詠軍門騎馬歸展卷結
驅盟

讀易二首贈謝守之

氣化無停機消長互接續才命豈勝時位置任亭毒高
尚吾何敢養心貴寡欲不盈始不艮能訥信非辱君子

德在斂况可榮以祿雷雨方經綸饘粥分已足歸與新安江長歌山水綠

四序且不恆澹泊宜決幾在遯厲於尾胥靡無可辭袁閔潛土室並恐清流知桂伐膏自然豈獨投閣遲昨夕夢溝斷尙哀文繡犧成都存卜肆百錢藥輞饑牽犬出上蔡人笑丞相斯

弔陸平原

并序

昔在聖哲隨時卷舒或屠釣以秉麾或鉏犁而俘玉沈機所運則苞櫟不遺鼎識之周雖彭濮必炤卽其灰留汲冢書授周廷迺銘板之微言非總干之至略文武異揆斷可知矣平原雲閒擅譽洛下

影纓先識媿於季鷹辟權嫌於首鼠受任羈旅之
中感激若盧之下孟玖之與牽秀朝歌至於富平
老成寒心羣貴側目而乃耽於榮利忘其幹用犬
書鶴唳釁由躁進跡其端末非不幸也夫才能匡
世則着鞭爲義位在勿用則見田亦非豈有再世
部曲不拒於龍驤少年新進能振於鹿苑咎徵黑
幟扶能開歟嗟乎元圃之玉非能御於瑊戈幽壑
之桂乃足貞於繡嶺以士衡之才蚤從顧榮戴若
思之言山鹿野麋素位退守消搖峯泖肆情文翰
忘懷隱顯豈不偉歟而乃相攜闇朝縈心寵利卒
使超枚馬躡王劉之妍瞻與賁軍覆事之大夫同

一駢首就戮而世乃以爲西陵之凶端也悲夫
矯矯雲中鶴交頸翔瑤岑乘風奮霜翰虎豺方在林欲
效金距搏坐受飛矢侵清露被中野竄爾遺哀音秋空
月正涼阪田芝可尋嚇然爭鶩梁厥德非仙禽驚鷗羣
落木異代同阻深徒令山中人撫松停素琴

王子壽先生貽詩見投依韻奉和

獨鶴失故巢長鳴翔廣野偶隨浮雲停哀怨類宵雅解
后威鳳姿戢羽媿姚冶憶昔逢孫陽

胡文忠公
召余來楚

莖豆飼

鴛馬側身黃金臺不意和者寡山邱百年歸追盛及燭
地羈孤懷遠愁松楸望白下入室顧病妻滌器不及瀉
所思烽燧銷質春過槐夏將借東野車竟依杜陵原

擬寸筵扣書或一鳴假江村風雪寒哀樂共陶寫敢以
恤緯私堂堂歲月捨從孥泝渚宮與君聯汐社

癸亥四月十八日奉上王子壽山長荆南書院

野毗樂畊釣本乏響組夢漢陰雖息機才亦厯抱甕誰
履坤初霜瞿然水澤凍躡躡辭金闈任遇謝隆棟歸來
十畝桑陳庭羔雁眾賢臣殷苗藿露章雲路玃卻守陂
下田贊畫愁恹哀時寄歌吟朝陽見鳴鳳秋霜協般
鼓白雪洗筵弄獨彈太古弦何李較磬控遠大杞人憂
沈孳子訓痛盱衡斗室聞自惜言微中回顧葦荇禽相
權若求仲江波下虎牙詩筒一帆送于郊願賃廡爰義
同人貢螺磯菰蘆中相約守畧纒

追書與吳氏長女事

自古有離別難在兵亂時相見定無日況敢他所期轉徙不如死溫飽不如饑勞傷耗精氣生乃如縣絲處家若贅疣大歸若髡緇家貧乏昆季族瘁老父衰面語終不忍瞞心慘書之

汝祖老無孫抱汝如至寶汝孀復無子家人視如草安常如駢拇危亂如死槁存如體有疾逝如沐除蚤出門各有適誰暇爲汝保汝父旣衰朽數遭弱弟天乞活覩依人思汝何所道

寄程生觀甫

人性有所近喧冷各營營當其偶會意躍躍輒自鳴文

字覆醬瓿利鈍關殊輕不幸風雲遇帶綬冠影纓大者
或卿相其卑亦專城自忘所得淺堅執誤蒼生餽覆係
微纒取災由梯榮哀哉被禍民溝壑尸縱橫

又

切切欲謀食落落迫知恥才用非適時進身復何恃艱
難獲小巢居未淹三祀風月自清佳棄之如脫屣不挹
斗徒揭不狩貍亦鄙周之古義受久則不知止不吏復
不儒託身焉足齒高賦歸去來頑懦庶興起

有感

寸心千里知一夢同衾隔綢繆本不殷邈然共衽席秦
王快頤指意豈在良璧陵藉寓談笑寸鐵尙形跡仰首

看飛鴻冥冥秋雲碧非不戀稻粱繪矢懼今夕

題蔣寅昉澱山檢書圖

五土性各殊造物難強植塗泥宜稻杭雍冀重黍稷疏
稗暨精鑿美惡視所得未聞瑞來牟此外舍我嗇維虞
初巫祝爲螟蟻賊炎火摧燒之芟柞必盡力風會異
趨舍經典與通塞出入妄主奴臣斯別白黑竊恐門戶
禍坐使吾道息蔣君抱遺經三世勤溝洫恆拒秬糜芑
充然具六食墓田隔千里荆棘滿故國屈指河清時歲
久或消蝕勤恤展斯圖悲哽見顏色

甲子五月六日

深淵蟠毒龍噓氣蒸高雲昔年有禪客坐咒荒江濱盛

以盤杆中蜿蜒不敢伸
龜鼉顧相愕潛伏同凡鱗
東風揉寒潮漁者熙陽春
玩此夜光珠縛以千丈緡
闔然奮尺木九罟頃刻吞
沙渦漩縷血不見投竿人
寄語臨淵者濁浪方如銀

題莫子偲邵亭詩鈔兼寄懷鄭子尹

吾輩處天壤各有百年意
哇叮判鴻溝造微蘄獨至
文字本鷄肋視逾臆臙哉
亦知鼎俎豆不薦屈到芟
蠶叢辛苦闢若貪賈放利
肝臑斧斤雕語穽邢尹辟
絳灌伍羞澀郊愈參位置
蕭條八百年負絕西江幟
何期小言厖獲仰大雅隸
繭繚尋微系榛披遂孤義
寒梅無俗妍沃隴多嘉穗
後生酸鹹殊甘如塞鼻
雖昔聞五尺道有

美佩韜璫崔嵬不具山馳騁貫六轡得君驂與靳左右
植兩騎乾坤方屯難吾道宜蕉萃歌諍邵亭長勿嫌影
山翠

周忠介遺象

君子處深山鬱然本時棟浮湛鄉閭中或不異庸眾屈
軼勁不搖頓忘天氣霽霜晨鏗無射一醒鄙夫夢聲華
動區夏百鳥隨鸞鳳豈必希君厨李范已伯仲闐然拜
遺象儼若汲黯蕙穆爾何所思深憂廟堂闕安得呼蒼
鷹奮翮天門狝所以北海亭同志賁餘慟

駭聞

越紘無定色蜀錦無盡巧渾沌鑿已久殫智營鉅狡頗

疑懷葛民閔世誤蘭鮑鳴鳩儀公平騶虞鈍牙爪腐鼠
固可歆洵河豈常飽今晨履微霜卻步我心攬長鏡兮
歸來扁舟獨采茆

七月四日

又

桑乾無清波具區多水雲持冰語夏蟲趯躍不復聞焉
知代謝速芝與蕭俱焚夕爲人所詬朝猶世所欣請看
最高枝何葩能常芬道家忌陰謀願以持贈君

同上

又

千春憎妹妲二帝所恩幸使知滅亡禍當時已誅屏欲
馳行必盤將攫進不猛詳愚伺其隙毒機始大逞羣雛
羽漸豐三桤復爲梗道人安禪寂旁覩眼已冷偶讀摩

兜銘掃境不留影

同上

又

東畦種兩瓜枝蔓相勾連昨喜雨露多青青覆滿阡偶
味一瓜苦再摘味復然君豈無甘瓠葉底埋寒烟嘉賓
登我堂何以佐酒筵呼僮除瓜蔓根蒂如石堅嗟哉營
此圃乃不值一錢

七月五日

懷萬清軒斛泉

清軒講學處門外無朱輪下帷不見客客見如飲醕左
規右襲矩粹然孔孟真縱橫功利言對公不敢陳二三
賢諸侯倒屣迎上賓至德豈謝堯致亂不過秦遂令天
下士復覩太古春昨來叩臯比蓬蒿沒儼人知恐猿鶴

怨言歸富水濱富水不妨富先生原憲貧

題馬鶴船詩

朝曦滿疏窗霜柯鳴啁雀故人投新詩珠玉驚錯落平生愛韶濩不廢笙竽作細大聆宮羽絡繹舞南籥當其豪邁時砰訇駭鼓鏜始知秦庭箏頗諧趙賈鐸豈必撫朱弦管象歌桓洵腐儒論黃鐘瑣屑較合龠譬如不羈馬強欲施珠絡又如姑射子粉黛教掠削未得邯鄲步已騰壽陵謔安得九萬風掃之等隕籜聞君健屬文巨軸壓囊橐自慙寸莛才浩瀚望海若

雜詩

仙人驂麟鳳瞳青不知馬乘雲御烈風遊戲徧九野道

旁逢六轡組舞協風雅馳驅忘蟻封始慚所見寡爲馬
謂仙人凌虛何爲者坤維殊夷險所貴不旋把寄言列
御寇知莫出馬下

龍門百尺高錦浪日夕送彩雉翔雲端彎弧一矢中際
遇從天來生豈必鸞鳳蕊龍松柏姿誰知任時棟彼蒼
苟厭亂終入夏弼夢詹尹龜筮徒其知未殊眾

皎皎天上月泠泠階下泉園丁巧疏鑿導曲成深淵常
儀顧之笑仙影留嬋媛遂令好事者各證缺與圓浮萍
解斯意錦屏遮地天彼萍誠大知能使人兩全

絡緯俟宵啼青蠅明始際造化能力大不能強以制辟
彼堂蠅雄可以日月計木仁長四德今或爲金沴虬龍

之蟄藏聖哲貴審勢四時互乘除知者待其弊

道豈能萬全物豈能兩大眾卉爭芳妍色香引芝蓋管
弦已交狎蜂蝶尤無賴高吟皆酒徒流盼雜屠僧若僧
道娼優日迎送冠帶風霜甘饗虐知者師栝檜

墻垣有老楮結實無人收匠石走不顧大欲蔽馬牛伊
誰漚作紙柔韌侔紈綢染墨印經史作貢同琳球始歎
無用用功與粟帛侔空山老天年知爲植物尤

小鳥巢葦苕數粒公姥足不敢望燕雀何況鷺與鵠蒲
蘆繳不縈鷹隼眸不矚求友得鷓鴣俯仰無怨欲洟寥
天地恩金籠乃局促山光富紫翠鳥知在不辱

朝亦憂虎狼暮亦憂虎狼虎狼雖云猛未至墮我墻我

詩三
五
墻卽不峻斗室聊以防何人矜身手露宿官道旁
狼來舐其腹賁育已摧傷知者善居室葺墻勿傍徨

明香誤膏蘭塗泥辱賢雋材不材之閒學識貴於慎
伍毋輕絳灌歡必浹廉藺不割鋒徒銛匪山石徒峻
才能射之鵠況復加驕吝退然不當位知者師置閤

尙書天喉舌侍御有崖岸聖人修春秋安敢辟擊斷
自餘昆季儔切悒怡參半雄辯紛齟齬差繆等河漢
小或遭捶楚大者必逐竄三緘有金人知者若吞炭

冷落

方春不踏青九日不簪花天地有令節人熙非我嗟
平生冷落性別在山水涯齷齪隨流俗泥必污白沙
池草

入夢思籬菊芳萌芽豈必琴與酒始足伴巾車清磬發
林樾俗耳空箏琶誰爲蓮社人妙理聆無譁欲拈空寂
性醒此萬萬家猶滯眾生相不足證曇迦枯窮絕言笑
至諦無所加

題戴竹泉

守謙

小照

少無諧俗韻結念在山澤冥思種琅玕周匝水與石因
之萬軸書儲以三畝宅吳天十月寒時有求仲迹擾擾
滯塵鬪烟雲夢魂隔披圖感君意同此歎行役春來秣
陵山不減渭川碧何當隨雁歸與君蠟雙屐燒筍煮白
酒俯仰一岸幘

仙人岩

羣巒圍翠巖洞石此髻薛循名勇幽探險狹履容隻初
梳猶猱升再繞邱邪射青留上古烟木巨草亦碩頰闢
窈深墨泉咽細難覘是時繡晚緜四山帑張赤樵夫嚇
游子云多毒蟲螫昔有辟兵人往往見齧骼從者足盡
裹退若魚歸澤遵塗出榛莽遙邨暮烟碧

悔翁詩鈔三終

後學上元顧雲校字
受業江甯甘元煥